

CHANSON

Potret Plouillau

Var ton : *Adieu, Pontreo*

M'am bije speret da gomprenn, evel a meus fantazi,
Me a vije n'em impliet da zonet da gomposi
Eur c'himiad leun a c'hlae'har, gret dar gonscrivet yaouanq
O deus tennet ar billet ebars er blaves prezant.

Ebars er bla mil niz cant c'hoec'h, ar bemp a vis guengolo,
E zeo digueet adare eus a barres Plouillau
Tud yaouanq evit an arme, tud deus an terrupia ;
Glae'haret eo oll ligne, p'o guelont o partia.

Da bartia gant an actif ne zeus quiet nemet pevar ;
Ervoanic Jacob, eus ar bourg, ha Guiljan ar Meledar,
Ha Yannic Prat, eus ar Goajou, ha Pipi an Aveant ;
Pevar den eus ar re vrava, corfou kor ha tud vaillant.

Ervoannic Jacob a lare en daiz-se d'he gamarad :
Emâ a zo eun devez trist hac a ra din calonad !
Guelet va mam baour o vouela, ha va zad kês desolet !
Va c'halonic ebars em c'hreis zo dija casi rannet

Kals a sonchfê dê, marteze, peanos e vent eur poultrou
Em be aoun rac aoun ten fusuil pe rac eur voulet canon
Pe otramant aoun rac ar fatig o vale dre an hentchou,
Pe gousquet var en guele gant ebars er c'hordgardou.

Douguen va dillet var va chouq, va fusuil ha va zabren,
Bale bemde a guer da guer dre ar fanq hak ar vouillen
Ha goude e fin va beac'h, rencout marteze camp,
Pe gousket var an douar ien, pe otramant bivoaki.

Tor o deus an nep a sonch-se; ma c'haljet lenn em c'halon,
Evit gwelet va bolonte ha va inclination,
Ma ne fotje nemet va goad, me en scuille tout joais
Evit souten eun Impalaëer eun tad ker carantezus!

Piou na gombatte ket gant eun Impalaëer chrizten ;
Eur gaus ker just ag e hini, zo facil d'a souten,
Pa zomp memprou da Jezus-Christ, soudardet an Aviel,
Bugale da Zoue an Tad, templou d'ar Speret-Santel.

Arça eta, camaradet, ken quittaad euz om c'homtre,
Demp ni da ilis Plouillau ar supplia hon Doue
D'hor preservi demeus goal chans pa vëzimp en armeou
Ha da gonsoli, bars ar guer, hon tadou hag hon mamou.

Adieu dec'h, Autro Sant Millau, patron euz ar barouz-ma,
Adieu kerent ha mignonet, cessit breman d'a vouela.
Pedit Doue hag ar Verc'hez, da gavet soign ac'hanomp,
Hac hon .El mad d'on c'hondua partout elec'h ma zefomp.

Adieu, va mab, va esperans, eme an tad desolet ;
Piou a gonsolo va zud paour, goude ma vi partiet ?
Pa vin accablet gant cozni, me vo elevel o laret :
Ma vije ma mab kez er guer, en dije va soulajet.

Clevit ar vam o quiniadi ive digant he baguel :
Deuz ama c'hoas, ma bokin eur vech kent evit mervel.
Aben ma retourni d'ar guer, me vo ed euz ar bed-ma,
Deus aman etre va dioubrec'h evit ar vech diveza.

A guichen at moment fatal ma c'heus tennet ar billet,
Beb noz vel ma fol din kousket, me a seblant da velet
O tont deus eur gombat sanglant var eur chariot bleset,
Pe tolet en eun hospital, gant an oll abandonnet.

Ar zoudard yaouane kontristet c'hoas ken evit partia,
Evit essai o c'honsoli a lavar, en eur vouela :
Tavid va zad ha va mam baour, ha bevit en esperans,
Doue, tad a visericord, a zo bras e brovidans.

Goude ma vo fin d'ar brezel ha goneet ar victoar,
Gras Doue hag ar Verc'hez, e vezo fin do clabar,
Evit merk eus hon vaillantis, gant lore deuz hon tocou
Ni a zistroyo prest d'ar guer evit sec'hi o taëlou.

Adieu da baros Plouillau, ha de holl habitantet,
Adieu d'hon oll anaoudegez, ha kerent a mignonet,
Ha ma na memp ket ar bonheur er bet-man da em velet
Gras deomp ebars er barados assambles da em gavet.